

Ilanngussaq Bilag

Ineqarnermut Attaveqaasersuutinullu Naalakkersuisoq
Naalakkersuisoq for Boliger og Infrastruktur

NAALAKKERSUISUT
GOVERNMENT OF GREENLAND



2

Inatsisartut Sanaartornermut Ataatsimiititaliaat

UKA2024/43-mut + 44-mut + 45-mut + 46-mut Sanaartornermut Ataatsimiititaliamiiit apeqqutinut akissut

31-10-2024
Sullap nr.: 2024-11910
ID. nr.: 94745812

Asasara Ataatsimiititaliaq

Aallarniutigalugu ataatsimiititaliaq illuliortiternernut aningaasalersuinermut
aaqqissuussinerit allangortinneqarnissaannut siunnersuutinut sisamaasunut,
Naalakkersuisut UKA2024-mi saqqummiussimasaannut, itisiliususanik
apeqquteqarnerannut qutsavigaara.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Matuma kinguliini ataatsimiititaliap apeqqutai issuarneqarput, akissut kingornanniilluni.

1. Inoqarfinni isorliunerusuni piginneqatigiilluni inissiatillit peqatigiiffiannik pilersitsisoqarnissaanut aningaasat qanoq amerlatigisut immikkoortinnejarnikuuppat?

AKISSUT: 2017-imi piginneqatigiilluni inissiat pillugit Inatsisartut inatsisaannut
nutaamut atatillugu, innuttaasut inissialortiternissamut taarsigassarsiniarlutik
sumiiffimmut ataatsiinnarmut; kommuninut, saaffiginnittarnissaat pillugu
tunngaviusoq aallaavigalugu, piginneqatigiilluni inissianik aningaasalersuisarneq
allangortinneqarpoq. Tamanna siusinnerusukkut piginneqatigiilluni inissianut
aamma illuliortiternernut aningaasalersuinermut taarsigassarsinissamut
kommunimit aamma Namminersorlutik Oqartussanit tamarmik immikkut 50%-
inik taarsigassarsitisarlutik, pisqortarnerata akerlianik pisalerpoq.

Taamaattumik piginneqatigiilluni inissiat pillugit Inatsisartut inatsisaat
maannakkut atuuttoq naapertorlugu communalbestyrelsit piginneqatigiilluni
inissianik nutaanik sanaartornerup aningaasalersornissaanut pisortanit
taarsigassarsitisarput. Aningaasalersuinermut aaqqissuussinermut nutaamut
tassunga atatillugu kommuninut ataatsimoortumik tapiissutit qaffanneqarput,
aammalu aningaasat Namminersorlutik Oqartussat siusinnerusukkut
suliassaqarfimmut immikkoortittagai tessani takuneqarsinnaallutik.

Aningaasassat taakkua konto pingaernerup 20.05.20 Kommuninut
ataatsimoortumik tapiissutit ataani kommuninut ataatsimoortumik tapiissutini
ilaatinneqarput. Taamaalillutik aningaasat siusinnerusukkut
immikkoortinnejartartut taakkua komunitit missingersuutaanniippuit kiisalu
Namminersorlutik Oqartussanit ataatsimoortumik tapiissutiniillutik.

Aningaasat siunertamut tamatumunnga immikkoortinnejartut kommunini
tamakkiisumik atorneqartarsimanngitsut, Ineqarnermut suliassaqarfimmi

aninaasalersuinermut aaqqissuussinernik naliliinerup immikkoortuani 1-imi¹
2023-meersumi, alassimavoq.

Kommunit isorliunerusuni piginneqatigiilluni inissianik pilersitsinissamut ukiuni
aggersuni missingersuutiminni qanoq annertutigisunik immikkoortitsisimanersut
pillugu Naalakkersuisut paassisutissaateqanngillaq aammalu piginneqatigiilluni
inissiat nutaat pillugit qinnuteqaatit qassit isorliunerusuneersuussanersut
ilisimanagu.

Inissianik attartortittakkanik piginneqatigiilluni inissianngortillugit
allangngortsinernut tunngatillugu, siusinnerusukkut siunertamut konto
pingaarnermi immikkoortumi imaluunniit aninaasaliissutini
immikkoortitsisoqartarsimanngilaq. Piginneqatigiilluni inissianii inissianut
nammiq pigisanut taarsigassarsiat allangngortinneqarnerani
*ilanngaaseereernermermi iluanaarutit konto pungaarnermi 72.06.08 Illuliortiternernut
aninaasalersuineq, isertitatut nalunaarsornissaannut inatsimmi*
tunngavissaqarpoq. Tassunga ilanggullugu Namminersorlutik Oqartussat
inissiaataasa attartortittakkat inissianut nammiq pigisanut imaluunniit
piginneqatigiilluni inissianut allangngortinneqarnerannut atatillugu isertitat
nalunaarsornissaannut aamma aninaasartuutit aninaasartuutit
nalunaarsornissaannut inatsimmi tunngavissaqarpoq, ilanggullugu *konto
pingaarnermi 72.10.16 Inissiat attartortittakkat ingerlanneqarnerat,
aninaasaliissutinit iluanaarutit, attartortut sinnerinik ingerlatsineq.*

Namminersorlutik Oqartussat inissiaataasa attartortittakkat piginneqatigiilluni
inissianngortillugit allangngortinneqarnissaannut 2024-mi Aningaasanut
inatsimmi imaluunniit 2025-mut Aningaasanut inatsisissamut siunnersummi
aninaasassanik annertunerusunik immikkoortitsisoqanngilaq. Siunertamut
aninaasassanik annertunerusunik immikkoortitsisoqassappat,
tunngavissaatinneqarput

- UKA2024/45 *Piginneqatigiilluni inissiat pillugit Inatsisartut inatsisaata
allangngortinneqarnissa pillugu Inatsisartut inatsisaata Inatsisartunit
akueringarnissa, kiisalu*
- Namminersorlutik Oqartussat inissiaatai attartortittakkat sorliit
piginneqatigiilluni inissianngorlugit allangngortinneqarnissaannut
aalajangersimasumik pilersaaruteqarnissaq.

Namminersorlutik Oqartussat inissiaataasa ikilisinneqarnissaat ineqarnermut
iluarsaaqqinnissamut ilaatinneqarpoq. Inissiaatit ikilisinneqarnissaannut
tunngaviusunut isummernissamut tunngavissaq 2024-p naalernerani
Naalakkersuisunut saqqummiunneqassasoq, politikkikkut isumaqatigiissummi
alassimavoq, tamatuma Kingorna politikkikkut isumaqatigiissutip
isumaqatiginniutigineqarnissa aallartinneqartussaalluni. Tassunga atatillugu
Namminersorlutik Oqartussat inissiaatai attartortittakkat sorliit inissianut
nammiq pigisanut imaluunniit piginneqatigiilluni inissianut
allangngortinneqassanersut, pilersaarut aalajangersimasoq
suliarineqartussaavoq. Tamanna isorliunerusunut taamatullu aamma

¹

https://naalakkersuisut.gl/Departementer/Dep_for_Boliger_og_Infrastruktur/Publikationer?types=1077dc8f-426c-4ba3-871c-416382710b7f&subjects=&page=1&dates=&sc_lang=kl-GL

inoqarfinnut anginerusunut atuuppoq. Naatsorsuutigineqanngilaq inissianik allanngortitsinissaq pillugu tunisinissaq ataatsikkut pissasoq, kisianni attartortunit innuttaasuniillu ujartuinermut naleqqussarneqassalluni.

Tassunga ilanngullugu oqaatigisinnavaara isorliunerusuni inissianik, piginneqatigiilluni inissiaatillit peqatigiiffiannut allanngortinnejarnissamut tungavissarititaasunik naammassinnittunik ikittuinnarnik Namminersorlutik Oqartussat pigisaqarmata, ilanngullugu pingaartumik *piginneqatigiilluni inissiat pillugit Inatsisartut inatsisaanni § 1, imm. 2, taassuma atunnerani* piginneqatigiilluni inissiaatillit peqatigiiffianni minnerpaamik inissiat najugaqarfiiit pingasuusussaallutik.

a. Naalakkersuisut inissiat tunineqarsinnaaneranik isumaqarnera sumik tunngaveqarpa?

AKISSUT: Nunatsinni agguaqatigiissillugu isertitat qiviaraanni, nunatsinni innuttaasut amerlasuut imminnut inissiamik pilersornissamut periarfissaqartut, inerniliisoqarsinnaavoq.

Naalakkersuisut naatsorsuutigaat Namminersorlutik Oqartussat inissiaataasa attartortittakkat aalajangersimasut piginneqatigiilluni inissianngorlugit allanngortitsineq, kiisalu tamatumunnga atatillugu pisortanit taarsigassarsitsineq, innuttaasut nammineq inigisaminni aningaasaliisartut amerlanerulernissaannut iluaqutaassasoq.

Ataasiakkaatigut tunniussinernut assersuutit kingusinnerusukkut nassiunneqassapput.

b. Maannakkut inissiat akiinut naleqqiullugu, inissiat attartortakkat piginneqatigiilluni inissianngortinnissaannut INI A/S-ip naatsorsuinermini piginneqatigiinnermut ilanngaatiip 30%-niit qaffasinnerunissaanik naatsorsuuteqarnera Naalakkersuisut eqqortuusorineqarpa?

AKISSUT: Naatsorsuinerni INI A/S-ip tusarniaanermut akissuteqaammini aallaavigisaanni aserfallatsaaluiusimannginnerup siumut naatsorsorneqarneranik nassataqarput. Tassa imaappoq, aserfallatsaaluiusimannginneq ukiut tamaasa aalajangersimasumik annertussusilimmik annertusisarpooq. Taamaalilluni aserfallatsaaluiusimannginnermut piissusiviusuni kisitsisit, ullumikkut takuneqarsinnaasut, tassani pineqanngillat, kisianni iliuseqanngikkaanni aserfallatsaaluiinermi kinguaattoorutit qanoq annertusiartornissaannut siumut naatsorsuilluni missingersuinerulluni. Ukiunut 20-nut tulliuttunut pilersaarusoqraqqammerpoq, aserfallatsaaluiinermi kinguaattoorutinik iluarsiisussamik.

Piginneqatigiinnermi aningaasartuutit maannamut attartornermiit 30%-nik qaffasinnerusutut naatsorsorlugu INI A/S-ip naatsorsugaanni taamaalilluni aserfallatsaaluiinermut pisariaqartitsineq siumut naatsorsorneqarpoq aammalu maannakkut pisariaqartitsinerunani. INI-p tusarniaanermut akissutaani missiliuineq aallaavigineqarpoq aammalu ataasiakkaatigut naatsorsuinerunani.

Qaammatikkaartumik piginneqatigiinnermi akitsuutip aalajangersimasup naatsorsorneqarnerani, aalajangiinerit suut piginneqatigiilluni inissiaatillit peqatigiiffianni aalajangiiffigineqarnersut apeqqutaavoq, ilanngullugit allaffissorneq, aserfallatsaaliuineq, iluarsaassisarneq sullissinerullu annertussusissaa (assersuutigalugu eqqiaaneq aputaajaanerlu).

- c. Inissiat attartorneqarnerisa akiinut naleqqiullugu, aningaasartuutit tamaasa katinnissaannut naleqqiullugu, piginneqatigiinnermut ilanngaatiq procentinngorlugu qanoq qaffasinnerutiginissaa Naalakkersuisut qanoq nalilerpaa?

- (INI A/S-ip naatsorsuinera eqqarsaatigalugu, pisinermut pigisanik aalaakkaasunik qularnaveeqqusiiilluni taarsigassarsisitsarfimmut akilersuutit aningaasalersorneqarnissaanut naatsorsuutit nutarterinissamullu kinguaattoorutit pisinermut aserfallatsaaliuinissami kinguaattoorutit aaqqissornissaannut taarsersugassarsinermut aningaasalersuinissamut tunngassutillit)

AKISSUT: Piginneqatigiinnermi akitsuummut ilaatinneqartut arlallit apeqqutaapput. Ilaatinneqartut ilagaat piginneqatigiilluni inissiaatillit peqatigiiffiata taarsigassarsiarititanut, piginneqatigiilluni inissiaatillit peqatigiiffiata piginneqatigiilluni inissiaatillit peqatigiiffiannik pilersitsineranut, atatillugu taarsigassarsiarisamaannut akilersuutissat. Taarsigassarsiat annertussusaannut pisinermi akigititaq apeqqutasarpooq. Pisinermut akigititamut niuerfimmi naliliineq aallaavigineqartarpooq, tamatumunnga inissiap aserfallatsaaliorneqarsimanera, inoqarfik aamma inoqarfimmi inisisimaffik apeqqutaasarlutik.

Tassani erseqqissarneqassaaq, niuerfimmi akigititami inissiat aammalu illuut tamakkiisoq isiginiarneqartarmata. Ataasiakkaatigut tamanna isumaqarpooq, inissiat aammalu illuutit pitsaanngitsumik pitsaassuseqarpata, tamatuma malitsigisaanik niuerfimmi akigititaq appasinnerussasoq, inissiat illuutillu pitsaasumik pitsaassusillit qaffasinnerusumik niuerfimmi akeqartinneqartussatut nalinerneqartarlutik.

Tamatuma kingunerisaanik piginneqatigiinnermut akitsuut allanngorartussaavoq, aningaasalersuineq qanoq ittoq neqeroorutigineqarsinnaanersoq apeqqutaalluni, takuuk *piginneqatigiilluni inissiat pillugit Inatsisartut inatsisaat*.

Taamaalilluni naggataatigut piginneqatigiinnermut akitsuummut tunngavigineqartartut amerlasoorpassuupput. Aammattaaq apeqqummut 1 b-imut tamanna pillugu akissut innersuussutigineqarpooq.

Naalakkersuisut tamatuma saniatigut erseqqissassavaat, attartortut piginneqataalernissamik kissaateqanngitsut, maannamut atugassarititaasut assingi tunngavigalugit attartortuuginnartussaammata.

- 2. Inatsisissatut siunnersuutip malitsigisaanik inatsisitigut allannguisoqassappat ineqarnermut tapiissutinut malittarisassanik nalimmassaanissaq pisariaqassava? Tamanna pissappat innuttaasunut isertitakitsunut ineqarnermut tapiissutissatut aningaasat qanoq amerlatigisut immikkoortinnejarsimappat?**

AKISSUT: Isumaginninnermut, Ilautariinnut, Suliffeqarnermut Nunamullu Namminermut Naalakkersuisoqarfimmit ilangussassanik piniartoqarpoq, taannalu paassisutissiivoq:

'Innuttaasoq imaluunniit inoqtigijit nammineq inigisaminnik piginnittuulerneranni, ineqarnermut tapiissutinik pisinnaatitaaneq atorunnaartarpoq. Tassami tamatumani ineqarnermut tapiissutit piginnittunut tunniunneqartanngimmata, taamaallaat attartortunut tunniunneqartarlutik. Innuttaasut arlallit isertitakitsut, attartortumiit-piginnittumut aaqqissuussinikkoortumik nammineq inigisartik imaluunniit piginneqatigiilluni inissiaq pisiarerussuppassuk aammalu pisiarisinnaappassuk, ineqarnermut tapiissutinut aningaasaliissutit annikillisillugit iluarsineqarnissaat pisariaqartinnejersinnaavoq.'

- a. Apeqqummut 1C-mut nalilerneqarpat, piginneqatigiinnermut ilanngaatiq massakkumut inissiap akianit qaffasinnerussasoq, inissiamik attartortutut najugaqaannartussanut, najugaqartut inigisaminnut akiliutigisartagaasa, qanoq annertutigisumik qaffanneqarnissaat siunnersuutigineqartumit siunertarineqarpa?**

AKISSUT: Naalakkersuisut aamma kommunalbestyrelsi piginneqatigiilluni inissiatillit peqatigiiffiani, pisinnaatitaaffit pisussaaffiillu tamatumani malittaasut atuutsillugit, piginneqataasutut inissittarput. Naalakkersuisut aamma kommunalbestyrelsit piginneqataasutut piginneqatigiilluni inissiatillit peqatigiiffianut piginneqataanermut akitsuummik akiliinissamut akisussaaffeqarput. Attartortoreersunut attartortitsinermi imaluunniit piginneqataaffit inoqanngitsut attartortinnejerneranni, aalajangersimasumik attartornermut isertitaqartoqartarpooq. Siunnersummi § 45 j, imm. 3-mi allassimavoq, ineqarnermut akiliut, inessianik attartortitsarneq pillugu inatsimmi sukkulluunniit atuuttumi, Namminersorlutik Oqartussat kommunillu inissiaataanni attartortittakkani ineqarnermut akilummik naatsorsuisarnermut maleruagassat nalinginnaasut malillugit aalajangersarneqassasoq.

Attartortitsinermi isertitat, piginneqataanermut akitsuummut aammalu piginneqatigiilluni inissiat attartortunit atorneqareerneranni iluarsaassinermut aningaasartuutinut, illuatungiliisinnaanersut, sioqqutsisumik aalajangiunnejarsinnaanngilaq. Ineqarnermut akilummmit isertitat aamma piginneqatigiilluni inissiamut akitsuutip akornanni nikingassuteqalissagaluarpata, Naalakkersuisut aamma kommunalbestyrelsi, piginneqataasutut aningaasartuummut tassunga akiliisariaqartussaapput. Aammattaaq apeqqutinut nr. 1 b-imut aamma c-imut akissutit innersuussutigineqarput.

Naalakkersuisut 2024-mut Aningaasanut inatsimmi *konto pingaarnerup* 72.10.16 *Inissiat attartortittakkat ingerlannejernerat, aningaasaliissutinit iluanaarutit*, ataani aningaasartuutit taakkua akilernissaannut inatsimmi

- tunngavissaqarput. Kommunalbestyrelsi tamatumunnga kommunip missingersuutaanni nalinginnaasumik aningaasaliissutinut isertitanullu aningaasaliissutinik pilersitsisariaqarput.
- b. **Inissiamut akiliut qaffanneqassanngippat inissamut akiliutit piginneqatigiillunilu inissianut aningaasartuutit nikingassuteqassappata, amigartoorutinut taakkununnga matussutissatut aningaasat qanoq amerlatigisut ukiunullu qassinut immikkoortitsisoqarnikuua?**
AKISSUT: Takuuk apeqqummut 2 a-mut akissut.
- c. **Pisortat inissiaataannik attartortuugaanni ineqarnermullu tapiiffigineqarsinnaatitaalluni, taava inissiamik piginnittunngorluni ikaarsaariaraanni; ineqarnermut tapiissutit qanoq pineqassappat?**
AKISSUT: Isumaginninnermut, Ilaqtariinnut, Suliffeqarnermut Nunamullu Namminermut Naalakkersuisoqarfirmmit ilanggussassanik piniartoqarpoq, taannalu paasissutissiivoq: *'Inissiani attartortittakkani ineqarnermut tapiissutit pillugit Inatsisartut inatsisaat, malillugu ineqarnermut akiliut inoquitiinnut inissiami attartortittakkami, attartortsisarnermut inatsimmi sukkulluunniit atuuttumi pineqartunut ilaasumi, najugaqartunut tapiissutigineqartarput. Taamaalilluni attartortoq nammineq inigisaminik piginnittunngorpat, ineqarnermut tapiissutit atorunnaartussaapput.'*
3. **Inissiat attartortumiit piginnittunngornermut aaqqissuussinermi aamma inissiat piginneqatigiinnermut allanngortinnginnerini qanoq annertutigisumik aserfallatsaaliorneqassappat, aningaasartuutissat katillugit qanoq annertutiginissaannik tamatumani Naalakkersuisoq nalunaarusiornissaanik qinnuigineqassaaq?**
AKISSUT: Inissiaatit ikilisinnissaannut tunngaviusunut isummernissamut tunngavissiamut, 2024-p naalernerani Naalakkersuisunut saqummiunneqartussamut, tamatumalu kingorna politikkikut isumaqatigiissutip isumaqatiginniutigineqarnissaata aallartinnissaanut, tunngatillugu apeqqummut nr. 1-imut akissut innersuussutigineqarpoq.
- **§§ 57 stk. 3 aamma stk.5 tunngavigalugu piginnittunngorpat Naalakkersuisut suut aserfallatsaaliiinissamut pisussaaffigilerneqartussaappat?**
AKISSUT: Naalakkersuisut piginneqatigiilluni inissiatillit peqatigiiffianni piginneqataasunut allanut sanilliunneqartussaapput, taamaattumik aalajangersakkat piginneqataasut allat taamaaqataanik Naalakkersuisunut atuuttussaallutik. Aningaasartuuteqartoqassappat Naalakkersuisut akiligassinneqarlutik, taakkua *konto pingaarnerup* 72.10.16 *Inissiat attartortittakkat ingerlanneqarnerat, aningaasaliissutinut iluanaarutit* ataani akilerneqarsinnaassapput.
 - **Piginnittoq aaqqissuussinermut attartortuunermit piginnittuunermet sunik aserfallatsaaliiinissamut pisussaaffeqlissappat?**
AKISSUT: Illup iluani aserfallatsaalieuineq piginnittut peqatigiiffianni piginnittut ataasiakkaat pisussaaffigaat, takuuq *inissiat nammineq pigisat pillugit Inatsisartut peqqussutaat § 15. §-imi tassani allassimavoq*

piginnittut peqatigiiffiat nutarterinernut silataannilu aserfallatsaaliuinernut akisussaasuuusut.

4. **Inatsisissatut siunnersuutigineqartumit, Naalakkersuisut imaluunniit kommunalbestyrelsi piginneqatigiilluni inissiaatilinni piginneqatigiittut inississinnaapput aamma inissianut inissiat attartortittakkani piginnittuusinnaapput, inissiat attartortittakkat allanngortinnejarpata. Imaammat attartortuusut inissianik attartortuuginnarnissaq qinersinnaagaat, imatummi pisoqaratarsinnaammat, pisortanit taarsigassarsiat piffissaq sioqqullugu taarsigassarsianik akliliisoqareerpat Naalakkersuisut/Kommunillu suli piginnittuusut. Siunnersuuteqartumit taamatut pisumut qanoq iliornissaq eqqarsaatigineqarpa, pisortat taamaalillutik taarsigassarsiamut ataatsimut akiitsulittut akliligassaqarfittullu inissippata qanoq annertutigisumik taama pisoqarnissaanut qanoq annertutigisunik aningaaasanik immikkoortitsisoqareerpa?**
AKISSUT: Illutip piginneqatigiilluni inissianngortillugu allanngortinnejarnerani piginneqataasut ataasiakkaat taarsigassarsisutut inissisimasangillat, kisianni piginneqatigiilluni inissiaatillit peqatigiiffiat taarsigassarsisuusarluni.
Kommunalbestyrelsi imaluunniit Naalakkersuisut inissianut attartortup piginneqataalernissamik kissaateqarfinginngisaannut, taamaallaat piginneqataalertussaapput. Tassani piginneqatigiilluni inissiaatillit peqatigiiffianik pilersitsinermut atatillugu piginneqataasut aallarniutissaat akilerneqartussaavoq.

Illumumi piginneqatigiilluni peqatigiiffinngorlugu allanngortinnejartumi (attartortumiit piginnittumut aaqqissuussineq), attartortup attartortutut najugaqaannarnissani kissaatigippagu, Naalakkersuisut imaluunniit Kommunalbestyrelsi imminut taarsigassarsititussaannngillat. Inissiaq piginnittut peqatigiiffiani ilaasussaavoq, Naalakkersuisut imaluunniit Kommunalbestyrelsi piginnittuullutik.
5. **Siunnersuutip nutaap imikkoortumi § 45f, imm. 2-aní inatsimmi lu pioreersumi § 60, imm. 2-mi assigiiungissuteqarnerat Naalakkersuisunit eqqumaffigineqarpa?**
AKISSUT: Tamanna eqqorpoq, kisianni § 45 f, inissiat attartortittakkat pioreersut piginneqatigiilluni inissianngorlugit allanngortinnejartarnerannut tunngassuteqarmat, § 60 imm. 2, piginneqatigiilluni inissianik nutaanik sanaartornissamut tunngassuteqarluni, eqqumaffiginissaa pingaaruteqarpoq.

Oqaatigineqartutut tunniussinernut assersuutit ataasiakkaat aammattaaq suliarineqassapput, kingusinnerusukkut ataatsimiititaliamut nassiunneqassallutik. Ataatsimiititaliap allangnuutissatut siunnersuutinik tamaginnik suliarinnilluarnini ingerlateqqissagaa kissaappata, aammalu allanik apeqqtissaqassagaluarpat suli piareersimallunga.

Inussiarnersumik inuulluaqqusillunga



Hans Peter Poulsen